



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioan. Petri Maffei, Bergomatis, E Societate Iesv,
Historiarvm Indicarvm Libri XVI.**

Maffei, Giovanni Pietro

Antverpiae, 1605

Cocinvm.

urn:nbn:de:hbz:466:1-11473

vbi rescire Coranēses Christiani, iniuriam vlcisci consti-
tuunt. Nocte Bardem ingressi lapidea simulacra aliquot
furo surripiunt, statimque ad Almeidam afferunt. Laudat
hilari vultu diligentiam Almeida, nec patitur quenq; prius
se in simulacra manus injicere, quæ vbi ipse comminuit,
Christianos deinde iubet inspuere, pedibusque calcare. illi
imperata faciunt alacres: quin etiam iniussu, iurgia & pro-
bra ingerunt, maledictisque proscindunt, quæ tanto nuper
cultu ac superstitione venerabantur. Idem neophyti cum à
quodam è Sociis valde petiissent, vt crucem Corani defige-
ret, cumque ille rem differret diutius, quàm desiderium ip-
sorum pietasque ferre posset, delubrum antea sibi valde re-
ligiosum irrumpunt, detracta materia Crucem ipsimet fa-
bricantur, eamque à magistro consecratam magna animi
voluptate gaudióque in vico publicè statuunt, & sanè idola
sua ritusque barbaros mirum quanto odio prosequantur.
Anno quidem à Virginis partu 1567. in agro Salsettano (vbi
præcipuè florebat Brachmanica prauitas) delubra plus tre-
centa deturbata & solo æquata per litteras nuntiantur, sa-
ctis Dei templis eorum vice refectis, quorum curam gerit
Societas, idque partim Proregis imperio, partim etiam Fra-
trum Franciscanorum, & Societatis instinctu, quo facto vi-
ci planè octo & quinquaginta idolis nudati purgatiq; sunt.
Gansares verò, de quibus suprâ meminimus, affirmabant si-
bi Dæmonem apertè dixisse: Diuus hic Ioannes, qui in meo
colitur fano, maior atque præstantior est me: quocirca ei
cedere, vósque deserere, & in continentem abire cogor ex
Insula.

COCINVM.

Societatis IESV Collegium aliud est in vrbe Cocino,
spassuum ab Goa trecentis millibus, quanquam minori
Sociorum numero, iisdem tamen occupationibus atq;
laboribus: Ac tametsi in pacatis numeratur hoc oppidum,
non tamen omnino vacat insidiis. Melchior quidem Cat-
nerius è Societate Nicenus episcopus, (nam etsi ecclesiasti-
ca honorum insignia ac titulos, atque opulenta sacerdotia
legibus suis omni conatu Societas refugit, huiusmodi tamè
episcopatus ac munera, quæ certos habent labores atq; pe-
ricula, redditus ac vectigalia nulla, mandante Pontifice ma-
ximo recipit) is igitur cum per eos dies versaretur Cocini,
eodèmq; se contulisset Armenius episcopus nescio quis,
dum

ANNO
1567.
delubra
plus tre-
centa
detur-
bata, re-
fectis,
eorum
vice, sa-
ctis Dei
templis.

Eccle-
siasticos
honorũ
titulos
quando
et qua-
les reci-
piat So-
cietas.

*Melchior
Carneri
diuinitus
cōserua-
tus.*

*Insule
Maldina
na.*

*Franciscus
Lopes cō-
stāter in
fide persi-
stens à
Mauris
trucida-
tur.*

dum studiosè prouidet Melchior, ne Armenius Catho-
licæ fidei integritatem ac puritatem schismaticæ prauitatis
contaminet: diuinitus factum est, quominus improbo
scelere occumberet. Emissa quippe in caput eius sagitta
transfixum pileum capite illæso decussit. E regione Cocin-
ingens insularum numerus visitur, quas Maldiuanas appe-
lant. Harum Rex anno post Christum natum 1551, magno
cum popularium multitudine Christiana sacra suscepit.
Alia item Cocino vicinæ insulæ conuerti ad Dominum
cœptæ. Recentissimis uero litteris cognitum est, quatuor
Societate, Goam Cocino petentes, in pyratas Mauros inci-
didisse. Dum igitur nauæ sese ad defensionem comparant,
tormentario pulueri casu ignis injectus, nauem, quæ allo-
qui hostibus restitisset, intestino malo consumpsit. Vecto-
res in mare desiliunt, multiq; ex iis, ne mergerentur, ad
ipsa hostium nauigia necessariò confugere. quo in nume-
ro Franciscus Lopes è Societate Sacerdos ex capitis consu-
ra à Mauris agnitus, & sollicitatus etiam atque etiam ad
Christiana sacra deserenda, cum constanter in fide persi-
steret, latera hastili transfixus, caputque gladio vulserat,
exiguam hanc vitam cum illa perpetua commutauit. alius
è Sociis captus, ac deinde redemptus est. reliquis dubius
quid fuerit, incertum est: eundem exitum, quem Franciscus
Lopes, sortiti putantur.

D A M A N V M.

*Lusitano
rum mili-
tū pietas
& religio*

DA M A N V M est castrum, de Mauris à Constantino
Prorege captum. id quoniā in ipsis Lusitanici impe-
rii est sinibus, valido præsidio Proreges tuentur. Lu-
sitanorum interdum mille. ibidem etiam è Societate non
nulli magno cum rei Christianæ adjuncto versantur. Sic
autem Lusitani milites tanta pietate ac religione, atque
bene de Societate sentiunt, ut nunquam ferè in expeditio-
nem exeant, (exeunt autem sæpe) quin ex iis aliquem secum
adducant, qui confessiones ipsorum excipiat, crucisque ve-
xillum ferens tempestiuus eos in ipso certamine cohæ-
sionibus animet. Quæ sanè officia Socii magnis corporis
vexationibus, periculūque mercantur: atque id ipsum alio
quoque in regionibus, cum sese offert occasio, quanquam
tanto capitis discrimine, non tamen sine cœlesti quantum